



## 稻仔芳

舊曆四月尾的一个透早，天才拍殍仔光，我行到厝跤的田邊，一粒一粒透明若真珠的露水，猶掛佇今仔欲抽穗的稻仔尾頂懸。當時仔進入燒熱的五月天，黃錦錦的稻穗就飽滿甲頭犁犁，擔袂起身矣。

遠遠看一台割稻仔機，若親像浮沉佇一大片黃金色的海湧當中。割稻仔機敢若咧變魔術，共一坵一坵的稻仔變無去。一目瞞仔前一秒閣咧綴風幌起幌落的稻穗，下一秒就變做一粒一粒黃金色的粟仔。連稻稿都變甲碎糊糊，空氣中充滿草仔味。

捌聽阿爸講過，以早咱南部攏有兩期的稻作。第一期是早冬，佇舊曆十二月的時陣佈秧仔，一直到隔轉年四、五月才收成。因為佈秧仔的期間是佇寒人，天氣冷，稻仔的發育較慢，生長期就揀長，稻作熟成的時間差不多是四個外月，大概是一百四十工，所以稻仔的品質好，產量嘛較濟。

第二期就是晚冬，佇舊曆五月份佈秧仔，到九月左右收成。因為佈秧仔的期間是佇熱人，天氣熱，生長緊，產期就縮短，所以稻作熟成的時間差不多欲倚四個月，大約一百二十工左右。加上這段時間雨水濟、病蟲害嘛濟，閣有風颱會來損蕩，收成自然就穰，所以晚冬這季就較無人欲種作。後來政府鼓勵逐家休耕補助種田青仔，就按呢這段時間就是予土地歇暍的好時陣。

細漢的時，阮遮的囡仔上感過新曆年，因為彼時陣阿爸攏會安排阮兄弟姊妹去掌田草。舊曆的十二月天，冷風是呼呼叫，阮愛穿短褲跪落去冷吱吱的田裡掌草。偏偏田是脹脹長，水裡閣有蜈蚣會軟人的血，彼陣實在是欲哭無目屎。

毋過也因為按呢，阮兄弟姊妹的身體攏袂穰，會堪得風吹日曝。這馬想起來，以早雖然辛苦，心肝內煞貯真濟美好的記持。親像佇田裡掠四跤仔，佇田岸邊走相逐，麗佇牛車頂的稻稿看天頂雲彩咧變化，猶有割稻仔的時才會當食著的點心——「綠豆粉粿湯」恰芳貢貢的「竹筍仔飯湯」，這攏是我所數念的。Mh！想到遮，若親像又閣鼻著囡仔時彼種甜甜的稻仔芳味呢。

作者：洪媛麗

### ☆詞彙學習☆

【拍殍仔光】pah-phú-á-kng：黎明。

【一目瞞仔】tsit-bák-nih-á：一瞬間、一眨眼。指很短暫的時間。

【粟仔】tshik-á：稻穀。

【稻稿】tiū-kó：稻子的莖桿。

【揀】khiú：又唸作 giú。拉扯。

【秧仔】ng-á：植物的幼苗，通常指的是水稻秧苗。

【損蕩】sng-tng：破壞、糟蹋。

【感】tshéh/tshueh：怨恨、討厭。

【蜈蚣】ngôo-khî：又唸作 môo-khî、gôo-khî。水蛭、螞蝗。

【軟】suh：吸。

【四跤仔】sì-kha-á：青蛙。

【麗】the：又唸作 thenn。身體半躺臥，小憩。